

VENDIM
Nr. 57, datë 26.3.2020

**MBI NJË NDRYSHIM NË VENDIMIN E BORDIT TË ERE-s NR. 72, DATË 10.5.2019,
“MBI LICENCIMIN E SHOQËRISË ‘SMART WATT’ SHPK, NË VEPRIMTARINË E
PRODHIMIT TË ENERGJISË ELEKTRIKE NGA CENTRALI FOTOVOLTAIK, ME
KAPACITET TË INSTALUAR 2 mw, NË ZONËN SHEQ MARINAS, NJËSIA
ADMINISTRATIVE TOPOJË, BASHKIA FIER”**

Në mbështetje të nenit 16, të ligjit nr. 43/2015, “Për sektorin e energjisë elektrike”, të ndryshuar, si dhe nenit 15, të “Rregullores së organizimit, funksionimit dhe procedurave të ERE-s”, miratuar me vendimin e Bordit të ERE-s nr. 96, datë 17.6.2016, Bordi i ERE-s, në mbledhjen e tij të datës 26.3.2020, mbasi shqyrtoi relacionin e përgatitur nga Drejtoria e Licencimit, Autorizimeve dhe Mbikëqyrjes, “Mbi shfuqizimin e pikës 2, të vendimit të Bordit të ERE-s nr. 72, datë 10.5.2019, ‘Mbi licencimin e shoqërisë ‘Smart Watt’ sh.p.k., në veprimtarinë e prodhimit të energjisë elektrike nga centrali fotovoltaik, me kapacitet të instaluar 2 MW, në zonën Sheq Marinas, Njësia Administrative Topojë, Bashkia Fier”,

konstatoi se:

- Me vendimin nr. 72, datë 10.5.2019, Bordi i ERE-s ka vendosur:

1. Të licencojë shoqërinë “Smart Watt” sh.p.k., në veprimtarinë e prodhimit të energjisë elektrike nga centrali fotovoltaik me fuqi të instaluar 2 MW, në zonën Sheq Marinas, Njësia Administrative Topojë, Bashkia Fier, për një afat 25-vjeçar.

2. Para vënies në punë të centralit, shoqëria “Smart Watt” sh.p.k., të depozitojë në ERE miratimin e pikës së lidhjes me rrjetin e transmetimit apo shpërndarjes.

- Në vijim të kësaj vendimmarrje, ERE i është drejtuar shoqërisë me shkresën nr. 514, datë 24.2.2020, për të marrë informacion në lidhje me ecurinë e plotësimit të kushtit të vendosur në pikën 2 të vendimit të sipërcituar.

- Shoqëria ka kthyer përgjigje me shkresën nr. 21 prot., datë 27.2.2020, protokolluar në ERE me nr. 514/1 prot., datë 26.2.2020, bashkëlidhur së cilës ka depozituar në ERE dokumentacionin si vijon:

- Preventivin nr. 17090 prot., datë 6.8.2019, të OSHEE-së, “Për miratim pikë lidhje për centralin fotovoltaik ‘Smart Watt’”.

- Shkresën nr. 17090/1 prot., datë 18.11.2019, të OSHEE-së drejtuar shoqërisë “Smart Watt” sh.p.k., “Ofertë për lidhjen e burimit të ri gjenerues në rrjetin shpërndarës”.

- Shkresën nr. extra prot., datë 19.11.2019, të shoqërisë “Smart Watt” sh.p.k., drejtuar OSHEE-së, “Pranim i ofertës për lidhjen e burimit të ri gjenerues në rrjetin OSHEE”.

- Marrëveshjen e lidhjes së re, me nr. 17090/2 prot., datë 19.11.2019, të lidhur mes OSHEE-së dhe shoqërisë “Smart Watt” sh.p.k., me objekt lidhjen e burimit gjenerues në rrjetin e shpërndarjes, me adresë Sheq Marinas, Topojë, Fier.

- Shkresën nr. 17090/3 prot., datë 20.11.2019, të OSHEE-së, drejtuar shoqërisë “Smart Watt” sh.p.k., për dijeni Drejtorisë së Tensionit të Lartë, “Miratim pikë lidhje central fotovoltaik”, nëpërmjet së cilës miratohet lidhja e centralit fotovoltaik të shoqërisë “Smart Watt” sh.p.k., me rrjetin e shpërndarjes nëpërmjet zbarave 35 kV, të nënstacionit Hoxharë 35/10 kV.

Rezulton se shoqëria “Smart Watt” sh.p.k., ka depozituar në ERE dokumentacionin e kërkuar sipas përcaktimeve të vendosura në pikën 2, të vendimit të Bordit të ERE-s nr. 72, datë 10.5.2019, duke plotësuar në këtë mënyrë kushtin e vendosur në vendimin e licencimit.

Për gjithë sa më sipër, Bordi i ERE-s,

VENDOSI :

1. Në vendimin e Bordit të ERE-s nr. 72, datë 10.5.2019, “Mbi licencimin e shoqërisë ‘Smart Watt’ sh.p.k., në veprimtarinë e prodhimit të energjisë elektrike nga centrali fotovoltaiik, me kapacitet të instaluar 2 MW, në zonën Sheq Marinas, Njësia Administrative Topojë, Bashkia Fier” bëhet ndryshimi, si më poshtë:

a) pika 2 shfuqizohet.

2. Drejtoria e Licencimit, Autorizimeve dhe Mbikëqyrjes, të njoftojë palën e interesit dhe OSSH sh.a. për vendimin e Bordit të ERE-s.

Ky vendim hyn në fuqi menjëherë.

Për këtë vendim mund të kërkohet rishikim në ERE brenda 7 ditëve kalendarike, si dhe mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETAR
Petrit Ahmeti